


Vijesti

16.12.2014.

Arhiva

Uspješnim organizovanjem konferencije "Vještačenje krivičnih djela iz oblasti organizovanog kriminala u svjetlu savremenih forenzičkih dostignuća" Agencija obilježila pet godina rada



Agencija za forenzička ispitivanja i vještačenja, u saradnji sa TAIEX-om, organizovala je konferenciju na temu "Vještačenje krivičnih djela iz oblasti organizovanog kriminala u svjetlu savremenih forenzičkih dostignuća". Konferencija je održana od 9. do 11. decembra 2014. godine u hotelu „Bristol“ u Sarajevu uz veliki odziv učesnika: predstavnika forenzičkih centara iz EU i regiona, Ministarstva sigurnosti BiH, Ministarstva odbrane BiH, te predstavnika svih nivoa tužilaštava i policijskih institucija u BiH.

Skupu su prisustvovali i predstavnici ambasada: Austrije, Francuske, Hrvatske, Italije, Rusije i Španije.

U prigodnom obraćanju, direktorica Ljiljana Trišić naglasila je značaj ovakvih okupljanja, razmjene iskustava i unapređenja saradnje. S tim u vezi istakla je: „U Bosni i Hercegovini postoje i druge organizacije koje se bave forenzičkim vještačenjima. Ovdje ima dovoljno posla za sve nas koji želimo doprinijeti otkrivanju krivičnih djela, odnosno unapređenju sigurnosne situacije u zemlji. Sve forenzičke institucije u Bosni i Hercegovini su naši partneri a ne konkurencija“.

Konferencija je realizovana u tri radionice. Teme radionica su bile „Posljedica neprimjene savremenih forenzičkih metoda“, „Novi aspekti forenzičkih analiza“ i „Budući planovi razvoja“, a predavači eminentni stručnjaci iz oblasti forenzike, predstavnici nacionalnih forenzičkih centara Velike Britanije, Holandije, Crne Gore, Srbije i Agencije za forenzička ispitivanja i vještačenja.

Drugog dana konferencije, usljed interesovanja učesnika, organizovana je posjeta Agenciji, gdje su se imali priliku upoznati sa kapacitetom i opremom Agencije i porazgovarati sa osobljem laboratorija.

Ovaj forenzički skup bio je i predmet interesovanja bh. medija koji su posjetili i objavili priloge o radu Konferencije.

Prilozi

